

INUIT ATAQATIGIIT INATSISARTUNI



UKA2023/18

28/9-2023

Mariia Simonsen, Inuit Ataqatigiit

**Aningaasarsianit akileraarutit pillugit Inatsisartut inatsisaata
allanngortinneqarnera pillugu Inatsisartut inatsisaat.**

**(Sulisitsisup akiligaanik angalanerit akileraaruteqaataanginnissaat,
nalikkilliliisaaneq pillugu maleruagassanik allannguinerit,
amigartoorutit ukiuni tulliuttuni ilanngaatigineqarsinnaanerannik
sivitsuineq, selskabit piginnittuusut iluminni nuussisarnerat pillugu
maleruagassamik qasukkaaneq, erniat nunanut allanut akilikkat ilaasa
akileraarutaannik unerartitsisarnissaq, kapitali 3 b nutaaq, selskabit
iluanaarutisiarititaminnik ilanngaateqarsinnaanginnerannik,
iluanaarutisiat ilaasa ilanngaatigineqarsinnaanerannik
atorunnaarsitsinermik, iluanaarutisiat ilaasa akileraarutaannik
appaanermik aamma selskabit pigisat iluanaarutisiarititaasa ilaasa
akileraarutaannik atorunnaarsitsinermik imaqartoq il. il.)**

(Aningaasaqarnermut Akileraartarnermullu Naalakkersuisoq)

Oqaaseqaat:

Soorlu naalakkersuisup saqqiussamini oqaatigigaa inatsimmut
allannguutissatut siunnersuut saqqummiunneqarpoq ukioq mannamut
aningaasanut inatsimmut tunngatillugu siorna ukiakkut partiit tamarmiullutik
atsioqatigiillutik kissaatigimmassuk nunanit allanit nunatsinnut
aningaasaleerusussuseq siuarsarneqassasoq aporfiusinnaasullu
piiarneqassasut, ukioq mannamit aallartittumik. Tamanna naammassineqarmat
Inuit Ataqatigiinnit nuannaarutigaarput.

INUIT ATAQATIGIIT INATSISARTUNI



Siunnersuummi pineqarput ingerlatseqatigiiffiit aatsitassanik, erngup nukinganik kiisalu imermik sermimillu iluaquteqarlutik nioqqutissiornissamut, piiaanissamut atuinissamullu akuersissummik pigisaqartut.

Ukiuni makkunani minnerunngitsumillu siunissami isertitsiffiusinnaasunik aalisagaannaangitsunit pisunik atorfissaqartiteqaagut.

Ingerlatseqatigiiffissuaqannginnatta aatsitassarsiornermik ingerlatsisinnaasunik, aatsitassallu naviananngitsut atorluarusogigatsigit nunatsinni aningasaliinissamut aporfilersuivallaassanngitsugut isumaqarpugut. Siunnersuutikkut nunani allani akileraartitsisarnikkut aalajangersakkat qanillattorniarneqarput. Naalakkersuisup saqqummiussaa issuaaffigilaassavara:

“Ingerlatseqatigiiffiit aaqqissuussinermut ikaarsaarumasut iluanaarutisariatititik ilanngaatigisinnaassanngilaat, akerlianilli iluanaarutisiat akileraarutaannik appasinnerusunik akiliisassallutik. Ingerlatseqatigiiffinnullu nammineq pigisanut akileraaruteqanngitsumik iluanaarutisianik tunniussisinnaaneq taakkunanilu pissarsisinnaaneq atuutilersinneqassaaq. Aaqqissuussineq taamaalilluni akileraartitseriaatsinut aningaasaliisartut nunani allani ilisimariigaannut sanilliunneqarsinnaanerussaaq. Ilutigisaanik Kalaallit Nunaanni sinneqartoorutit ingerlatallu Kalaallit Nunaannissaaq akileraaruserneqarnissaat qulakkeerneqarpoq.”

Inatsimmut allanguutissatut siunnersuutip kingunerisassai tamakku tusaannarlugit akuersaarnarput, pingaartumik kingulliit: Kalaallit Nunaanni sinneqartoorutit ingerlatallu Kalaallit Nunaannissaaq akileraaruserneqarnissaat qulakkeerneqarpoq”. Siunnersuut teknikkitaqaqimmat paasilluagassallu arlaqarmata aningaasanut akileraartarnermullu ataatsimiititaliami sukumiisumik suliaqarineqarnissaa pisariaqartipparput, taamattumillu siunnersuut ataatsimiititalimi suliarineqarnissaanut innersuupparput.

INUIT ATAQATIGIIT INATSIARTUNI

